

րի առանց վարձի տուել են կլուբի համար յօգուտ հասարակաց:

Եղել են դոքա Բագուի հայոց Մարգասիրական Ընկերութեան հիմնադիր անդամներ. չեն խնայել յիշեալ ընկերութեան, Աղբատախնամ հոգաբարձութեան, Չամախույ քաղաքի երկսեռ ուսումնարաններին, Սաղիանու ս. Ստեփաննոսի վանքին, Գանձակու ս. Թարգմանչաց վանքին, Տփլիսի ներսիսեան հոգեւոր դպրոցին, Մատրասու նորաչէն ուսումնարանին, վերջապէս ազգային ամեն հաստատութիւններից օգնութիւն խնդրողներին, պանդուխտ հայերին և ամեն կարօտելոց՝ իրենց կարողութեան չափ առատ նուիրատուութիւնները:

Այժմ խան Պօղոս ազայի ութ որդիներից կենդանի մնում է նորա կրտսեր որդին՝ ազա Կարապետը, որ եօթանասուն ամեայ հասակում տակաւին ժրութեամբ դրժում է և կառավարում իւր ձեռքով իւր կալուածները և բազմամարդ գերդաստանը: Ազնուական Լալայեանց տան այդ ծերունի նահապետը Բագուի մէջ ամենայն լաւութեամբ պահպանում է իրենց տոհմի նահապետական պատիւը: Այդ հասակում տակաւին երեւում է կայտառ. մի և նոյն ժամանակ կրօնասէր է և մարդասէր. պահպանել է մինչեւ ցայսօր իւր սրամտութիւնը: Ընթերցասէր է և լու պատմարան՝ իւր ծնողներից և պապերից լսածների և տկանատես եղածների վերաբերմամբ:

Կարապետ ազան ունի որդիք և դստերը և թոռուք:

Չամախու Լալայեանցների նախնիքը երեւում են 1788 թուին՝ Աստրախան քաղաքում, ինչպէս ի Ս. Պետերբուրգ տպած ներսիսի Ճնորհալույ Ընդհանրական գրքի յիշատակարանից երեւում է, ուր ի թիւս օժանդակողաց պատրաստութեան տպարանին նոր նախիջեւանայ ձեռամբ Յովսէփ արքեպիսկոպոսի Արղութեանց՝ երեւի «Ազնիւ պարոն Յովակիմն Լալայով» յերես 334:

Այս Լալայովներից յառաջացել են բաւական մարդիկ և գանձում են Ռուսաստանի շատ քաղաքներում:

Յունվար 1896

ԽՈՐԷՆ Ա. Ք Մ.

Բագու:

